

## **Wasika-à Bulus Ba Ya Sig FILIMON**

Filimon í mpìr àgbam. Mpìrká yì hing wà ku ri bàg Yesu Kristi. Ku shi ma fàu zyun zìnnwá í Unisimus. Fàu-à hi shàr tafinn rìghing àsàin luwá Filimon. Fàu-à níng ma Bulus dìg kwonn. Bulus dinya ku jir Yesu Kristi. Ku kà mi ri bàg rag Kristi. I byar-à Bulus ba ya Filimon áyau wasika-à níng ni n vig wàníng rag a wàníng jùn kwonn kàng ma Unesimus. Ku rag a wàníng zìg Unesimus àràng í wunzà wàníng á jir shinn Yesu Kristi ni, ná wai jirà wàníng í fàu níng bàna.

<sup>1</sup> Wasika-à níng í mì ba síg nì, yi ma wunzà yí Timoti. Mì í Bulus zyun-à big kíg kà sig mà tonn fi-à ni á jir shinn Yesu Kristi.

Yi ri ba ya wù mpìr azìmyí ma ayor swàm yí wù Filimon,

<sup>2</sup> ma mpìrká ri kwonn mà luwú ni á zìnn Yesu, ma ajunwà yí Afiya, ma Arkibus ayoryí zyun-à ri sa swàm Yesu àràng yi.

<sup>3</sup> Shìdun Tayí ma Shinn Luyí Yesu Kristi abig wìr kà ya ning àsàn ma pìkyinn na tag.

### *Bulus Ri Fig Ajwár á Shinn Filimon*

<sup>4</sup> Kó ákaun bidim pár, mì ri vig Shìdun á shinnwú ni, wù Filimon, mì ri sa Shìdun ísoko.

<sup>5</sup> N fig hing tai á shinn barà wù ri zìm mpìrká bu Shìdun bidim pár, ma barà wù ri bir pìkyinn á byar Shinn Luyí Yesu.

<sup>6</sup> Bu-à mì ri vig Shìdun bàna, mì ri zìm shu ajun-à yi ma níng shi sig í zyun níng, má sa ná yì byann bu òsànká yi òg sig á jir shinn Kristi.

<sup>7</sup> Wunzámí, azìmwú níng sa jwar hing mì pìkyinn, n sa gbam hing mì òr. A sa jwar hing pìkyinn mpìrká bu Shìdun tìnn.

### *Bulus Vig Filimon á Shinn Unisimus*

<sup>8</sup> Mì í shunwàuwú á dò jir shinn Kristi ni. Jir wàníng, ò nìm má wim kyinn, n nìm má du kà wù á sa bu-à mì ri zìm á sa.

<sup>9</sup> Ama jirà mì ri zìm wù, má du kà fig wù ma gbam bàna. Kó barà mì Bulus mì í shun àgbam níng, má víg wù avig. Big kìg kà sig mì á tonn fi dò jir shinn Yesu Kristi.

<sup>10</sup> To, mì ri vig wù avig á jir shinn fàuwú Unisimus, zyun-à í wùnmí á jir shinn Kristi ni, ò kàng tawá á sai-à big kìg kà sig mì mà tonn fi-à ni.

<sup>11</sup> Sai-à rì níng, ku rì kinn fig bu zyun bàna á byarwú ni, ama tàma-à níng ku kinn hing bu zyun á byaryí ni, yi ma wù.

<sup>12</sup> Mì ri tìr kàng yag ku mà byarwú ni, kyinnmí shi sig á òr wá ni.

<sup>13</sup> N zìm sig ò nìm ò fim ku á byarmí ni áyag, jirà aku sa shang mì àràg barà wù nìm má sa shang mì wà wù nìm ma shi sig áyag, barà big kìg kà sig mì á tonn fi á dò jir shinn jir àjwár.

<sup>14</sup> Ama ò zìm fig ò du kà wù ma gbam rag á sa shang mì bàna. Ama mì ri zìm á sa shang mì ma kyinnwú. Má du kà fig wù ma gbam rag á sa shang mì bàna, sái wà kyinnwú ma zìm hing.

15 Ma sai bàna, bu-à sa ning ma Unisimus gàb sig òr níng, í jirà kwá kàng bi á byarwú ni má shí í buwú hár kinn kinn.

16 Tàma-à níng ku íri fàu átai bàna rag, ku kab hing fàu. Mì ri zìm ku wàni, ò yì hing azìm-à wá zìm ku níng má kab bumí. Kó barà ku í fàu níng, ku í wunzàwú á jir shinn Shinn Luyí ni.

17 To, wà wa zìg sig mì rag mì í ayorwú, to, á pànn ku wù pyànà, àràng barà wù nìm má pànn mì níng.

18 Wà kwa sa hing wù bu bibai, kó wà wù ma ri bàg ku bu zyun, á pànn mì.

19 I mì Bulus, mì ri ba wàníng ma vùmí, má wa kàng wù. Ama kada á mà m jànn barà í mì ò tàg sig wù jír á shinn Yesu ni, jirà á òg yonki kinn kinn níng bàna.

20 To, wunzàmí, wúshèní, á pànn samyib Unisimus òsàn nímá á jir shinn Shinn Luyí ni, barà wù í wunzàmí á jir shinn Kristi ni níng, á sa jwar pikyinnmí.

21 N yì hing rag barà mì ri ba ya wù tarkada-à níng, bu-à wá sa má kab wà zyun-à ò vig sig wù níng.

22 Wúshèní, aning sa samyib ya mì tonn-à ná pag mì kyìnn áni, jir kai bàna mì ri kyab Shìdun má fig avigná, má ya mì pyù í kàng bi á byarná ni.

### *Ayor Swàmká Bu Bulus Bib Kà Filimon*

23 Abafaras zyun-à big kíg kwonn sig mì ma ku á tonn fi jir shinn Kristi níng, ku ri bib kà wù.

24 Ayor swàmmí big, Markus, ma Aristarkus, ma Dimas, ma Luka, big ri bib kà wù tinn.

<sup>25</sup> Shinn Luyí Yesu Kristi aku wìr kà ya ning àsàn. Aku shi àdòníng.

**Jibu**  
**Jibu: Jir Shidun (New Testament)**

copyright © 2019 Wycliffe Bible Translators, Inc.

Language: Jibu

Contributor: The Nigeria Bible Translation Trust

All rights reserved.

2025-05-06

---

PDF generated using Haiola and XeLaTeX on 5 May 2025 from source files  
dated 6 May 2025

a1139895-fa13-5ff1-8c00-a8ad25fcfa2f